

明版意林



梅  
花  
州  
堂  
鑒  
藏



乾隆甲午孟夏月御筆

題意林四絕句

集錄裁成庾穎川意林三軸用茲傳漫嫌撮要失備載

嘗鼎一臠知味全

都護安南政不頗用儒術致政平和奇書五卷銅柱二

無忝祖為馬伏波

六經萬古示綱常諸子何妨取所長節度豈徒務佔畢

要知制事有良方

五卷終於物理論太元經下已亡之說非天一閣珍弄

片羽安能欣見斯



天一閣本

新刻意林序

聖人之作經也道而已矣匪聖弗經弗經匪道然則六經具存夫何言哉傳不云乎孔子沒而微言絕七十子喪而道義乖聖人密察完會至大至正莫乎不可尚已揚其瀾而覺其夢使吾道益尊不有所待邪扶風馬總氏意林五卷裒次幾七十家爬羅採擇斷取已意特以思孟參伍其間若不知聖賢道統之自者而韓子曰臧孫辰孟軻荀卿以道鳴噫彼且然矣余入嘉時與二三子談經謂是書之可資也購久始獲抄本于松尚頗舛紊廼命黃子校而刻之夫諸子

者見道有偏全立言有粹駁譬之猶絲總之以成疋  
蹊徑之以入國未有非聖離經焚焉而叛且遠者刺  
經而嚅嚅之道之萬一庶其可知哉

嘉靖丙戌春二月既望北涓子王大化序

意林目錄

卷之一

鬻子一卷

太公六韜六卷

晏子八卷

孟子十四卷

道德經二卷

魯連子五卷

鄧析子一卷

胡非子一卷

太公金匱二卷

曾子二卷

子思子七卷

管子十八卷

荀卿子十二卷

文子十二卷

范子十三卷

墨子十六卷

意林目錄

意林目錄  
纏子一卷

隨巢子一卷

尸子二十卷

韓子二十卷

卷之二

列子八卷

莊子十卷

王孫子一卷

申子三卷

慎子十二卷

燕丹子三卷

鬼谷子五卷

尹文子二卷

公孫文子一卷

陸賈新書二卷

晁錯新書三卷

賈誼新書八卷

呂氏春秋二十六卷

淮南子二十二卷

卷之三

鹽鐵論十卷

說苑二十卷

法言十五卷

太玄經十卷

新論十七卷

論衡二十七卷

正論五篇

潛夫論十卷

卷之四

風俗通三十一卷

商君書四卷

阮子四卷

正部十卷

士緯十卷

通語八卷

抱朴子四十卷

卷之五

周生烈子五卷

荀悅申鑒五卷

仲長昌言十卷

典論五卷

魏子十卷

人物志三卷

任子十卷

篤論四卷

體論四卷

傅子一百二十卷

太元經十四卷

化清經十卷

鄒子一卷

成敗志三卷

古今通論三卷

中論六卷

唐子十卷

秦子二卷

梅子一卷

物理論十六卷

意林卷之一

。鬻子一卷

扶風馬總元會編

藝文志云名能著子二十二篇今一卷六篇發政施  
今天下福謂之道上下相親謂之和不求而得謂  
之信除天下之害謂之仁信而能和者帝王之器  
聖王在位百里有一士猶無有也王道衰千里一  
士則猶比肩也知善不信謂之狂知惡不改謂之  
惑

昔文王見鬻年九十文王曰嘻老矣鬻子曰若使臣

捕虎逐麋臣已矣。坐策國事臣年尚少。

。太公金匱二卷

武王問太公曰：殷已亡，三人可伐乎？太公曰：臣聞之，知天者不怨天，知己者不怨人。先謀後事者昌，先事後謀者亡。且天與不取，反受其咎。時至不行，反受其殃。非時而生，是謂妄成。故夏條可結，冬冰可釋。時難得而易失也。

武王平殷，還問太公曰：今民吏未安，賢者未定，如何？太公曰：無故無新，如天如地，得殷之財，與殷之民共之，則商得其賈，農得其田也。一目視則不明，一

耳聽則不聰。一足步則不行，選賢自代，上下各得其所。

武王問五帝之戒，可得聞？太公曰：黃帝云：余在民上，搖搖恐夕不至朝，故金人三緘其口，慎言語也。堯居民上，振振如臨深淵，舜居民上，兢兢如履薄冰。禹居民上，慄慄如恐不滿湯，居民上，翼翼恐不敢息，道自微而生禍，自微而成慎，終與始完如金城。行必慮正，無懷僥倖，寤忍之須臾，乃全汝軀。書：刃利皚皚，無為汝開，疇源泉滑滑，連旱則絕。取事有常，賦斂有節，精。



太公六韜六卷

有求賢之名無用賢之實

文王曰君務舉賢不獲其功何也太公曰舉不容易  
文王曰舉賢若何太公曰案賢察名選才考能則  
得之也涓涓不塞將成江河兩葉不去將用斧柯  
熒熒不救炎炎柰何文王曰國君失民者何也太  
公曰不慎所與也君有六守三寶六守者仁義忠  
信勇謀三寶者農工商六守長則君安三寶完則  
國昌柄僭人則失其威淵乎無端孰知其源天下  
非一人之天下天下之天下也取天下者若逐野

鹿而天下共分其肉

太公曰伏羲神農教而不誅黃帝堯舜誅而不怒  
聖人恭天靜地和人和鬼

文王在岐召太公曰吾地小柰何太公曰天下有粟  
賢者食之天下有民賢者牧之屈一人下伸萬人  
上唯聖人能行之

堯雖弊加於首屨雖新履於地

武王問太公曰士高下有差乎太公曰人有九差惡  
口舌為衆所憎夜臥早起此妻子之將知人饑渴  
習人劇易此萬人之將戰戰慄慄日慎一日此十

萬之將知天文悉地理理四海如妻子此天下之主軍中之事不聞君命

武王問太公曰吾欲令三軍親其將如父母攻城則爭先登野戰則先赴聞金聲而怒聞鼓音而喜可乎太公曰作將冬日不服裘夏日不操扇天雨不張幔寒過塗泥將先下步軍未舉火將不食士非好死而樂傷其將知饑寒勞苦也用兵之害猶豫最大起之若驚用之若狂當之者破近之者亡使如疾雷不暇掩耳也

貧窮忿怒欲決其志者名曰必死之士辨言巧辭善

毀善譽者名曰間諜飛言之士

。曾子二卷

君子愛日以學及時而成難者不避易者不從旦就業夕自省可謂守業年三十四十無藝則無藝矣年五十不以善聞則無聞矣鄙夫鄙婦相會於墻之陰可謂密矣明日或有知之故云執仁與義莫不聞也蓬生麻中不扶自直白沙在涅與之俱黑君子之遊苾乎如入蘭芷之室久而不聞則與之化矣小人之遊戲乎如入鮑魚之室久亦不聞而亦化矣故君子慎其去就也

與君子遊如日之長。加益不自知也。與小人遊如履薄冰。幾何而不行陷乎。

天圓地方則是四角不掩也。聞之夫子曰。天道曰圓。地道曰方。

晏子八卷

景公作臺臺成復欲作鍾。晏子諫曰。歛民作鍾民必哀歛。哀以謀樂不祥。

景公嬖妾死名曰嬰子。公守之三日不食。膚著於席而不去。晏子曰。外有良醫將作鬼神之事。公信之。屏曰。沐浴。晏子令棺入殮。死者公大怒。晏子曰。已

死不復生。公乃止。仲尼聞之曰。星之昭昭不如日月之黻黻。

景公時雨雪三日。披狐白之裘坐於堂側。謂晏子曰。三日雨雪天下何不寒。晏子曰。夫賢君飽則知人饑。溫則知人寒。公乃去裘冠。足以修敬不務其飾。衣足以掩形不務其美。土事不文。木事不鏤。足以示民也。

景公曰。吾欲霸諸侯。若何。晏子曰。官未具也。臣聞仲尼處陋巷。廉隅不正。則原憲侍。志意不通。則仲由侍。德不長。則顏回侍。今君未有能侍。故未具也。

君擇臣使之。臣雖賤亦擇君事之。一心可以事百君。百心不可以事一君。事貴人不能過禮。貴人惡之。

晏子治阿三年。毀聲於國。景公召而問之。對曰。嬰舉儉。罰偷。墮民惡之。決獄不畏強貴。強貴惡之。是二邪。毀於內。二讒去於外。臣請改轍更治。三年必有譽也。景公病水數十日。夢與二日鬪而不勝。使召夢者占之。占者至門。晏子使對曰。公病陰也。與二日鬪曰陽也。不勝疾將退也。三日而愈。公賞占夢者。占夢者辭曰。晏子之力也。公問晏子。晏子曰。臣若自對則不信也。

景公病疽在背。欲見不得。問國子。國子曰。熱如火色。如日。犬如未熟李也。公問晏子。晏子曰。色如蒼玉。大如璧。公曰。不見君子。不知野人之拙也。

晏子使楚楚王。令左右縛一人。作盜過。王問何處人也。對曰。齊人也。王視晏子。齊國善盜乎。晏子曰。橘生江南。江北則作枳。地土使然也。今民生長於齊。不盜入楚。則盜。臣不知也。楚王自取弊耳。

晏子使楚楚王。以晏子短。作小門於大門之側。晏子曰。往詣狗國。從狗門入。今來使入楚。不可從狗門。

入也。遂大門入。

楚王問齊之臨淄都無人耶。對曰：臨淄三百間，張袂成帷，揮汗成雨，比肩繼踵，何容無人也。

曾子將行，晏子送之，曰：贈人以言，不以財。

和氏之璧，井里璞耳，良工修之，則成國寶，習俗移性，可不慎乎。晏子歿後，十有七年，景公封諸侯大夫，皆稱善。公曰：自晏子歿後，不復聞不善之事。弦章對曰：君好之，則臣服之；君嗜之，則臣食之。尺蠖食黃則黃，倉倉則蒼，是也。公曰：善。吾不食諂人之言也。以魚五十車賜弦章，固不受。是弦章有晏子之

遺行也。

。子思子七卷

慈父能食子，不能使知味。聖人能悅人，不能使人必悅。

言而信，信在言前；令而化，化在令外。聖人在上而遷其化。

國有道，以義率身，無道，以身率義。苟息是也。

百心不可得一人，一心可得百人。

君本也，臣枝葉也。本美則葉茂，本枯則葉凋。君子不以所能者病人，不以人之不能者愧人。小人溺於

水君子溺於口也

繁於樂者重於憂厚於義者薄於行見長不能屈其色見貴不能盡其辭雖有風雨吾不入其門也君子以心導耳目小人以耳目導心

。孟子十四卷

蜀郡趙臺卿作章句章句曰指事

孟子謂惠王曰虐政殺人何異刃耶庖有肥肉廄有肥馬民有饑色野有餓莩此謂率獸食人且人惡之况虐政乎敬老愛幼推心於民天下運掌中也故推恩足以保四海不推恩不足以保妻子

雖有智慧不如乘勢雖有鎡基不如待時齊人譏管

晏饑者易為食渴者易為飲若久塗炭則易政

宋人有閔其苗不長掘拔之使其長其子趨而視之

苗則槁矣非但無益乃有害也

見孺子入井非孺子之父母亦有惻隱之心無惻隱

之心非人也無羞惡之心亦非人也無辭讓之心

亦非人也無是非之心亦非人也

子路人告之有過則喜禹聞善言則拜

用夏變夷不聞用夷變夏

枉已者未能直人當以直矯枉若以曲何以正人

景春公孫衍張儀豈不誠大丈夫一怒而諸侯懼安居而天下息孟子曰是焉得為大丈夫乎富貴不能淫貧賤不能移威武不能屈此之謂大丈夫天子不仁不保四海諸侯不仁不保社稷士不仁不保四體今惡死凶而樂不仁猶惡醉而強酒民之歸仁猶水就下

存乎人莫良於眸子眸子不能掩其惡曾中正則眸子瞭焉曾中不正則眸子眊焉

淳于髡曰男女不親授受若嫂溺援之手乎孟子曰若不援是豺狼也天下溺則援之以道嫂溺必援

以手

子產以其乘輿濟人於溱洧孟子聞之曰不知政不知以時修橋梁

齊人有一妻一妾其夫出則厭飽而反欺其妻云與富貴人共飲食耳夫出伺之見乞人祭餘食之妻乃告妾相與泣于中庭其夫自外來未知猶驕其妻妾由君子枉道得富貴而驕人也

伊尹不以一芥與人亦不取一芥於人

在野曰草莽之臣在國曰市井之臣性猶湍水決東則東決西則西

白羽白性輕白雪白性消白玉白性貞雖俱白其性不同也

冬日飲湯夏日飲水

仁義忠信樂善不倦天爵也公卿大夫士爵也古之人修天爵而人爵從之今之人修人爵以要人爵得人爵棄天爵終亦亡矣

仁之勝不仁猶水勝火今之爲仁者猶一盃水救一車薪之火也不熄則謂水不勝火此又與於不仁之甚者也亦終必亡而已矣

君子有三樂父母俱存兄弟無故一樂仰不愧天俯

不忤人二樂得天下英才而教育之樂

雞鳴而起孜孜爲善者舜之徒也雞鳴而起孜孜爲利者跖之徒也

九仞無泉猶棄井也

古人之關禦暴今人之關爲暴

惡似而非者惡莠亂苗惡佞亂義惡利口亂信惡鄭聲亂雅樂惡紫亂朱惡鄉愿亂德堯至湯湯至文王文王至孔子孔子至孟子各五百餘歲

管子十八卷

倉廩實知禮節國多財遠者來衣食足知榮辱野無



積草府無積貨市不成肆朝不合眾治之至也  
觀其交游則賢不肖可察

一年之計莫若樹穀十年之計莫若樹木終身之計  
莫若樹人

爵祿滿則忠衰室富足則行衰金鼓滿則人槩之人  
滿則天槩之故先王不滿也

比赦者小利而大害故久而不勝其禍無赦小害而  
大利久而不勝其福惠者民之仇讎法令民之父  
母惠者多赦先易後難法者無赦先難後易

堂上遠於百里有事十日而君不知堂下遠於千里

有事一月不知門庭遠於萬里有事暮年不聞

桓公謂管仲曰寡人有大邪三不幸好畋晦夜從禽

不反一不幸好酒日夜相繼寡人汙行二不幸好

色姊妹有未嫁者三不幸管仲曰惡則惡矣非其

急也人君唯不愛與不敏不可耳不愛則亡眾不

敏則不及事

齊水躁而復故民貪而勇楚水溺而清其民輕果好

賦越水濁而重其民疾妬秦水汨而滯其民貪戾

晉水滯而雜其民好詐宋水勁而清其民簡易

有法度之制者不可巧以詐偽有權衡之稱者不可

欺以輕重。先王治國，威不兩措，政不二門。有尋尺之數者，不可羞以長短也。

桓公問廐吏何事最難，吏未荅。管仲曰：臣嘗作園人，唯賦馬棧最難。先搏曲木，則直無所施；先搏直木，則曲無所施。

冬日不盥，非愛水也；夏日不湯，非愛火也。為不適於身，明主不治宮室，非愛小也。為本耳。楚王好小，美人省，會吳王好劍，國士輕死，故主好宮室，則工匠巧，主好文采，則工女靡。利之所在，雖千仞之山，無所不上；深泉之下，無所不入。商人通貨，倍道兼行。

夜以繼日，千里不遠，利在前也。漁人入海，海水百仞衝波逆流，日夜不出，利在水也。

蛟龍得水而神生，人主得民而威成。海不辭水，故能成大山，不辭土，故能成高主。不厭人，故能成衆士；不厭學，故能成聖。

五穀民之司命，黃金刀幣，民之通施。

農有常業，女有常事。一農不耕，民有饑者；一女不織，民有寒者。

桓公謂管仲曰：吾欲伐楚楚強，不可下。如何？曰：王但鑄錢於莊山，往楚貴市，生鹿。楚王聞之，喜必廢農。

而獵鹿藏粟五倍楚足錢而無粟公閉關楚降者十分有四

地大而不耕非其地卿貴而不仁非其卿民衆而不親非其民無翼而飛者聲也無根而固者慎也公但謹聲耳

。道德經二卷

生而不有為而不恃元無生萬物者不求其報挫其銳解其紛當挫止之人欲銳慎進取功名和其光雖有獨見暗昧不瞞同其塵虛不自別殊多言數窮舌舉必有禍患不如守中精神愛氣希言也聖人後其

身而身先先人後己天下外其身而身存厚薄已而

愛之如父母長存也赤金玉滿堂莫之能守傷嗜欲

財多富貴而驕自遺其咎夫富當賑貧貴當憐賤

絕仁棄義民復孝慈德化也絕巧棄利盜賊無有上

無私邪曲則全自專則全也枉則直枉屈已而伸

直少則得受天道祐謙自多則惑學多者惑於所聞

善行無轍迹善言者無瑕謫知足者富知足則常

富死而不亡者壽則無怨於天下故能長壽也

將欲喻之必固張之先開張之欲將欲弱之必固

強之欲使遇害將欲廢之必固興之使驕危將欲

奪之必固與之先與之者欲是謂微明人之不善

何棄之有前當以道伏之蓋三皇之故立天子置三

公欲化不報怨以德禍於未生也絕圖難於易圖難

於其時失道而後德德生失德而後仁仁德衰而失

義而後禮禮行玉帛也夫禮者忠信之薄禮廢本

信日以而亂之首禮賤質貴文故正日貴必以賤

為本言欲尊貴當以賤薄為本禹稷躬高必以下

為基言欲高立先以下為基如築墻造上士聞道

勤而行之中士聞道若存若亡下士聞道大笑之

不笑不足以為道不足為下士笑明道若昧明道若昧明道之

昧無所進道若退進取道者不及夷道若類夷平也大

見也若退不及夷道若類夷平也大

自別類若上德若谷不若深垢也廣德若不足德行

多比類若上德若谷不若深垢也廣德若不足德行

頑不足也大方無隅委曲廉隅也大器晚成器成

不可卒成瑚璉大音希聲如雷電待時而動大象無

形物或損之而益擲讓之必遠益之

而損大者增者崩貪名與身孰親身退則身與貨孰

多害身也得與亡孰病則病於貨利甚愛必大費其

色費精神甚愛則遇患害所愛多藏必厚亡藏於

者少所費者多故言必大費也多藏必厚亡藏於

備之憂死有掘塚探柩之患大成若缺缺者減名

大巧若拙其然大辨若訥知無辨不出戶以知

天下以己身知人，身不窺牖以見天道。天道與其出彌遠，其知彌少。謂去其家觀人家去其身觀人，為學日益，欲謂教禮樂之學為情，為道日損，謂自然欲以消飾損之，又損之以至於無為。無為而無不為，情所欲斷絕，無德與道合，則善者吾善之，不善者吾亦無所不施，無所不為。善者吾信之，不信者吾亦信之。敝善攝生者，陸行不遇兇虎，遠避合入軍，不被甲兵。戰不殺，塞其兌，兌目也，閉其門，門口也。終身不勤，終身不開其兌，兌視情濟其事，濟益情終身不救。禍成大道甚夷而好徑，徑邪不正也。善建者不拔，善以身建。

國者不可得，知者不言，言者不知。言者不知，多言多患也。引而拔之，其政悶悶，政教寬大，悶悶其民淳淳，淳淳其政也。其政悶悶，昧教似不明，其民缺缺，政教急，民不聊生也。察察政教疾於身，其民缺缺，政教急，民不聊生也。直而不肆，肆申光而不耀，雖有獨見之明，深根固蒂，長生久視之道。人以氣作根，以精作蒂，如樹能深藏氣，固守精，無所道以立，莅天下者，其鬼不神。鬼不敢干，非其鬼不神，其神不傷人。聖人在位，不犯其精神，夫兩不相傷，故德交歸焉。性命治於陽，全其保其精神，而夫輕諾必寡信，多易必多難。患不愼也，其德交歸者，易國治身安，靜其未兆，易謀為之於未有。

治之於未亂以智慧治國國之賊使人智慧之必背

道德妄作威福乃是國之賊不以智慧治國國之

福民守正直不作邪飾善戰者不怒善以道戰者

絕禍於未萌代大匠斲者希有不傷其手矣天之

道損有餘而補不足以天道益謙常人之道則不然

損不足以奉有餘世俗之人損貧以奉鄰國相望

雞犬之聲相聞民至老死不相往來無情也知者不

博博者不知知道守一則不必博多

荀卿子十二卷

青出於藍而青於藍冰生於水而寒於水君子居必

擇鄉遊必擇士防邪僻也

肉腐出蟲木枯生蠹驕慢在身灾禍作矣

君子之學入乎耳著乎心布乎四肢動靜皆可法則

小人之學入乎耳出乎口口耳之間才四寸耳何

足以美七尺之軀夫驥一日千里駑馬十駕則亦

及之窮無窮極無極也跬步不休跛鼈千里累土

不輟丘山崇成

三不祥幼而不肖事長賤不肖事貴不肖不肖事賢

是也

天不言人推其高地不言人歸其厚四時不言百姓

期焉

與人善言。暖若錦帛。與人惡言。深於矛戟。

伯樂不可欺以馬。君子不可欺以人。

川泉深而魚鼈歸之。山林茂而禽獸歸之。刑政平而

百姓歸之。禮義備而君子歸之。

天行有常。不為桀亡。

淺不足與測。深不足以謀。智埒井之蛙。不可以與

東海之樂。

聖人無兩心。天下無二道。

鳥獸失亡其匹。越時逾時。必反過故鄉。徘徊鳴號。躑

躑踟躕然後去。何況人乎。

歲不寒無以知松柏。事不難無以知君子。妻子具而

愛衰於親。爵祿盈而忠衰於君。唯舜及賢者不然。

荀卿子名況。齊宣王時人。春申君再請作蘭陵令。因

家焉。為李斯師。後卒於蘭陵。

。魯連子五卷。

白刃交前。不救流矢。急不暇緩也。

財者君之所輕。死者士之所重。君不能以所輕與士。

欲得士之所重。不亦難乎。

百足之虫。斷而不蹶。持之者衆也。

人心難知於天。天有春夏秋冬以作時。人皆深情厚貌以相欺。

不知宜與不宜。猶以錦純薦。不知時與不時。猶冬耕也。不知行與不行。猶以方作輪也。

。文子十二卷

周平王時  
人師老君

先唱者窮之路。後動者達之源。齒堅於舌而齒先弊。剛強者死之徒。柔弱者生之幹。立井而飲。耕田而食。不布施以求德。不高下以相傾。此古人之德也。河不滿溢。海不湧波。景雲見而黃龍下。祥風至而醴泉出。此聖人順天道也。晝冥夜光。山崩水涸。冬雷

夏霜。此國之將亡也。

水濁則魚噉。政苛則民亂。上多欲。下多詐。冬日之陰。萬物歸之。而莫使。

臯陶暗而大理。天下無虐刑。何貴言乎。

君子猶射。差此毫末。於彼尋丈。

神者智之淵。神清則智明。智則心之府。智公則心平。精神難清而易濁。猶盆水也。清之終日。乃能見眉睫。不過一撓。即不能見方員也。量腹而食。度形而衣。節乎己者。貪心不生。

山生金。反自刻。木生蠹。還自蝕。人生事。還自賊。使信



意林卷之一  
士分財不如探籌。使庶士守財不如閉戶全封。不  
心於平。不如無心之不平。

善游者必溺。善騎者必墜。

上學以神聽之。學在骨髓矣。中學以心聽之。學在肌  
肉矣。下學以耳聽之。學在皮膚矣。

鐸以擊自毀。膏以明自煎。一淵無兩蛟。必有爭得鳥。  
者。羅之一目。一目之羅。不可得鳥。

欲致魚者。先通於谷。欲來鳥者。先樹於木。水積魚聚。

木茂鳥集。

目見百步之外。不能自見其背。

水之勢勝火。一杓不能救一車之薪。金之勢勝木。一  
刃不能殘一林。土之勢勝水。一塊不能塞一河。

饑馬在廐。寂然無聲。投芻其傍。爭心乃生。

農夫勞而君子食之。愚者言而智士擇之。日月欲明。  
浮雲翳之。河水欲清。沙土穢之。叢蘭欲茂。秋風敗  
之。人性欲平。嗜欲害之。

濟溺者以金石。不如尺索。

花太早者。不須霜而自落。

入水憎濡。懷臭求芳。不可得也。

乳犬噬虎。伏雞搏狸。

冶不能銷木匠不能鏤冰

金石有聲不扣不鳴簫管有音不吹不聲

事者難成而易敗名者難立而易廢

往古來今謂之宙四方上下謂之宇

孔子無黔突墨子無煖席非其慕位貪祿欲為天下

除害耳

獸窮則觸鳥窮則啄人窮則詐

人主之有民猶城之有基本之有根根深則本固基

厚則上安

屈寸而伸尺小枉而大直聖人為之今人貴不許其

大功而求其小善失賢也

貴則觀其所舉富則觀其所欲貧則觀其所愛霸王

之道技義而動尊其秀士顯其賢良百姓開戶而

待之漬米而儲之不義之兵至於伏尸流血而不

伏也

冬日之扇夏日之裘無用於己則生塵垢

。鄧析子一卷 二篇

劉向云非子產殺鄧析推春秋驗之

務名責實君之事也奉法宣令臣之職也

君有三累親所信以名取士近故疎親臣有四責受

重賞而無功居大位而不治為理官而不平在軍陣而奔北

勢者君之輿威者君之策臣者君之馬民者君之輪勢固則輿安威定則策勁臣順則馬馴民和則輪利治國者失此必有覆輿奔馬折策敗輪輪敗策折馬奔輿覆則載者亦傾矣

慮不先定不可以應卒兵不預整不可以當敵廟算千里帷幄之奇百戰百勝黃帝之師

凶饑之歲父死於室子死於戶而不相怨者無所顧也同船涉海中流遇風救患若一所憂同也張羅

之畋唱和不差者其利同也故禮病者口不能不唾心悅者顏不能不笑

自見則明借人者則暗自聞則聰借人者則聾一言之非駟馬不能追一言之急駟馬不能及

明君之治民若御奔而無轡負重而履冰喜而便賞不必當功怒而便誅不必值罪

。范子十三卷並是陰陽曆數也

計然者蔡丘濮上人姓辛名文子其先晉國公子也為人有內無外形狀似不及人少而明學陰陽見微而知著其行浩浩其志汎汎不冝自顯諸侯陰

取所利者七國天下莫知故稱曰計然時遨遊海  
澤號曰漁父范蠡請見越王計然曰越王爲人鳥  
啄不可同利也

掩目別白黑雖時時一中猶不知天道論陰陽有時  
誤中耳

范子問何用九宮計然曰陰陽之道非獨於一物也  
聖人之變如水隨形形平則平形險則險

。胡非子一卷

負長劍赴榛薄折兎豹搏熊羆此徒獵之勇也負長  
劍赴深泉斬蛟龍搏鼉鼉此漁人之勇也登高涉

危鷁立四顧顏色不變此陶缶之勇也剽必刺視  
必殺此五刑之勇也

齊桓公以魯爲南境魯公憂之三日不食曹沫請擊  
頸以血濺桓公公懼不知所措管仲乃勸與之盟  
曹沫匹夫之士布衣柔履之人一怒卻萬乘之師  
存千乘之國此君子之勇也

。墨子十六卷

君子自難而易衆人自易而難

靈龜先灼神蛇先爨

君子雖有學行爲本焉戰雖有陣勇爲本焉喪雖有

禮哀爲本焉。

墨子見染絲而嘆曰。染於蒼則蒼。染於黃則黃。非獨染絲然。人固亦有染舜染許由。桀染子辛。紂染崇侯也。

子自愛不愛父。欲虧父而自利。弟自愛不愛兄。欲虧兄而自利。非兼愛也。盜愛其室。不愛異室。故竊異室以利其室。亦能兼愛。

節葬之法。三領之衣。足以朽肉。三寸之棺。足以朽骸。深則通於泉。

諸侯不得恣己爲政。有三公政之。三公不得恣己爲

政。有天子政之。天子不得恣己爲政。有天下政之。斷指以存脛。以免於身者。利。

君子如鍾。扣則鳴。不扣則不鳴。美女處不出。則爭求之。行而自衒。人莫之娶。

墨子勸弟子學。曰。汝速學。君當任汝。弟子學。暮年就。墨子。墨子曰。汝聞魯人乎。有昆弟五人。父死。其長子嗜酒。不冝預葬。其四弟曰。兄若送葬。我當爲兄。沽酒。葬父。就四弟求酒。四弟曰。子葬父。豈獨吾父也。吾恐人笑。欺以酒耳。今不學。人自笑子。故勸子也。遂不復求。

墨子謂門人曰汝何不學對曰吾族無學者墨子曰不然豈謂欲好美而曰吾族無此辭不欲耶欲富貴而曰吾族無此辭不用邪強自力矣甘瓜苦蒂天下物無全美

古之學者得一善言附於其身今之學者得一善言務以說人言過而行不及

君子服美則益敬小人服美則益驕

。纏子一卷

纏子修墨子之業以教於世儒有董無心者其言修而謬其行言謬則難進行庸則無主欲事纏子纏

子曰文言華世不中利民傾危繳繞之辭者竝不為墨子所修勸善兼愛子重之

董子曰信鬼神何異以踵解結終無益也纏子不能應

。隨巢子一卷

執無鬼者曰越蘭問隨巢曰鬼神之智何如曰聖也越蘭曰治亂由人何謂鬼神耶隨巢子曰聖人生於天下未有所資鬼神為四時八節以紀育人乘雲雨潤澤以繁長之皆鬼神所能也豈不謂賢於聖人

有疎而無絕有後而無遺大聖之行兼愛萬民疎而  
不絕賢者欣之不肖則憐之賢而不欣是賤德也  
不肖不憐是忍人也

。尸子二十卷

鹿馳走無顧六馬不能望其塵所以及者顧也水積  
則生吞舟之魚土積則生豫章之木學積亦有生  
焉農夫比粟商賈比財烈士比義卑墻來盜榮辱  
由中出敬侮由外生樹葱韭者擇之則蕃仁義亦  
不可不擇也唯善無基義乃繁滋故災與凶禍乃  
不重雞司夜狸執鼠日燭人此皆不能自全

日在井中不能燭十步目在足下不可以視遠雖明  
何益

堯瘦舜黑皆為民也

陳繩則木之枉者有罪措準則地之廢險者有罪審  
名分則羣臣不安者有罪農之耨去害苗者賢者  
之治去害義者

虎豹之駒未成文而有食牛之氣鴻鵠之鷺羽翼未  
合而有四海之心

見人有善如己有善見人有過如己有過此虞氏盛  
德也

買馬不論足力而以黑白爲儀必無走馬矣。買玉不論美惡必無良寶矣。舉士不論賢良則無士矣。

孔子云誦詩讀書與古人居。讀詩誦書與古人謀。王者色不如雪澤。不如雨潤。不如膏光。不如燭取。玉甚難越。三江五湖。至崑崙之山。千人往。百人反。百人往。十人反。至中國。覆十萬之師。解三千之圍。

車輕道近。鞭策不用。鞭策所用。道遠任重。

見驥一毛。不知其狀。見畫一色。不知其美。

屠者割肉。則知牛長少。弓人務筋。則知牛長少。雕人裁骨。則知牛長少。各有辨焉。

草木無大小。必待春而後生。人待義而後成。

。韓子二十卷

劉向云。秦始皇重韓非書。曰寡人得與此人遊。死不恨矣。李斯姚賈害之。與藥令自殺。始皇悔。遣救之。已不及。

臣所以難言者。滑澤洋洋見者。以謂華而不實。敦厚砥恭見者。以謂虛而無用。省而不飾見者。以謂訥而不辨。激忽近親。探知人意見者。以謂僭而不讓。宏人廣博。深而不測。見者以謂夸而無用。臣所以爲難言而患重也。二柄刑罰也。虎所以能伏犬者。



爪牙也若虎釋其爪牙則反伏於犬也故田常請  
爵祿大斛斛施百姓比齊簡公失德而田常得之  
韓昭侯醉甚而臥典冠見君寒加衣其上昭侯覺乃  
罪典衣殺典冠以典衣失事以典冠侵官侵官甚  
於寒也故明王畜官不得臣越而有功不得陳言  
而無當越官則死無當則罪

香美病形皓齒損精去甚去泰身乃無害使雞司夜  
令狸執鼠物有所宜才有所施各處其宜故上下  
無失上失膚寸下失尋常君不可不慎託宴處之  
娛乘醉飽之時求其所欲則必聽也

鄰國有聖人敵國之憂也

彌子瑕有寵於衛君竊駕君車君聞之曰子瑕母病  
而矯駕孝子也與君遊果園食桃不盡以半啖君  
君曰愛我也及其色衰得罪於君君曰是矯駕吾  
車者啖我餘桃者以前所賢而後獲罪愛憎變也  
愛人不得獨利待譽而後利之憎人不得獨害待非  
而後害之輿人欲人富貴棺人欲人死喪人不貴  
則輿不用人不死則棺不價非有仁賊利在其中  
相愛者則周比而相譽相憎者則比黨而相誹誹  
譽交爭則生惑矣家有常業雖饑不餓國有常業

雖危不亡。若捨法從私意，則臣下飾其智能，飾其智能則法禁不立矣。

君以計畜臣，臣以計事君，害身而利國，臣不爲也；害國而利身，君不爲也。

譬之如水弱者飲之則死，渴者飲之則生。

桓公伐孤竹，失道。管仲曰：「老馬之智，可用。」遂縱馬從而得歸。

桓公伐孤竹，行出山中無水。隰朋曰：「蟻冬居山之陽，

夏居山之陰。蟻壤寸而有水，使掘之，果得水焉。

以人言善我者，必以人言罪我也。

置猿於檻，則與狔同勢，不能逞能也。

刻削之道，鼻莫如大，目莫如小。鼻大可小，小不可大。

目小可大，大不可小。舉事亦然。

古人目短於自見，故以鏡觀面；身短於自知，故以道

正己。失鏡無以正鬚眉，失道無以知迷惑耳。西門

豹性急，佩韋以自緩；董安于性緩，佩弦以自急。

斷手續之以玉，故世有易身之患。

舜爲匹夫，不能正三家；有才而無勢，雖賢不能制也。

故立木於高山之上，下臨千仞之溪，材非長也，其

位高也，不蔽人之美，不言人之惡。

齊宣王問情曰儒者鼓琴乎對曰不也琴者小絃  
大聲大絃小聲大細易位貴賤易序故儒者不為  
衛嗣君使人過關市關吏乃呵之因以金與關吏關  
吏乃捨嗣君謂關吏曰汝何得受客金以明察之  
僖侯時宰人上食羹中有生肝乃問之宰人曰當是  
人置之欲去宰自處也後僖侯將浴湯中有磔僖  
侯曰有人欲代湯者文公宰上食肉而有髮繞之  
文公召宰人曰汝使吾哽乎宰人頓首曰臣有三  
罪刀利如干將切肉而髮不斷臣罪一也援雖貫  
纒而不見髮臣罪二也熾烘炮肉盡赤而髮尚繞

臣罪三也有人欲代臣也

齊景公惡仲尼為魯政梨沮曰去仲尼如吹毛耳乃  
使遺魯哀公怠於政仲尼諫不納而之齊

客有為齊王畫者王問何者最難對曰畫狗馬為最  
難鬼魅最易狗馬人共知鬼魅無形像也

冠雖穿決必戴於上履雖五采必踐之地

以骨去蟻蟻愈多桓公問管仲曰官少而索多如何  
管仲曰君勿聽人人有請因能而授祿錄功而與  
官

稅勿輕勿重重則利入於上輕則利歸於民也

晉文公與楚戰。問舅犯曰：「楚衆我寡，柰何？」對曰：「君其詐之人，又問雍季曰：『以詐御民，一時之利也。與楚戰，大勝而歸，行賞先雍季，而後舅犯。』」舅犯之言，權也。雍季之言，萬世之利也。

齊桓公飲酒醉，遺其冠。耻之，三日不朝。管仲曰：「此有國之耻，公何不雪之，以政因發倉賜貧窮，三日而民歌之，曰：『公何不更遺其冠也。』」


古諺曰：「政若沐，雖有棄髮之費，而有長髮之利也。」墨子死後，有相里氏之墨、相芬氏之墨、鄧陵氏之墨。孔墨之後，儒分為八，離為三也。

待自直之箭，則百世無矢矣。待自圓之木，則千歲無輪矣。

法度嘗壽國之脂澤粉黛也。

饑歲之春，從弟不讓穰歲之秋，疎客必食非疎骨肉多少之心異也。

西



意林卷之一

三



